



დაუჯდომელი საგალობელი ყოვლადწმიდისა ღმრთისშობელისა,
პატივად საკვირველთმოქმედისა ხატისა მისისა ივერიისა,
პორტაიტისად წოდებულისა.

ლოცვითა წმიდათა მამათა ჩუენთათა, უფალო იესუ ქრისტე,
ღმერთო ჩუენო, შეგვიწყალებ ჩუენ, ამენ.

დიდებაი შენდა, ღმერთო ჩუენო, დიდებაი შენდა.

მეუფეო ზეცათაო, ნუგეშინისმცემელო, სულო ჭემმარიტებისაო,
რომელი ყოველგან ხარ და ყოველსავე აღავსებ მადლითა შენითა,
საუნჯეო კეთილთაო, მომნიჭებელო ცხოვრებისაო, მოვედ და
დაემკვიდრე ჩუენ შორის და წმიდა-მყვენ ჩუენ ყოვლისაგან ბიწისა
და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგვიწყალებ
ჩუენ (3-გ ზის).

დიდებაი მამასა და ძესა და წმიდასა სულსა, აწ და მარადის და
უკუნითი უკუნისამდე, ამინ.

ყოვლადწმიდაო სამებაო, შეგვიწყალებ ჩუენ; უფალო, გვიხსენ და
გვილხინე ცოდვათა ჩუენთაგან; მეუფეო, შეგვიდვენ უმჯულოებანი
ჩუენნი; წმიდაო მოიხილე და განჰკურნენ უძლურებანი ჩუენნი
სახელისა შენისათვის.

უფალო, შეგვიწყალებ (3-გ ზის).

დიდებაი მამასა და ძესა და წმიდასა სულსა, აწ და მარადის და
უკუნითი უკუნისამდე, ამენ.

მამაო ჩუენო, რომელი ხარ ცათა შინა, წმიდა იყავნ სახელი შენი,
მოვედინ სუფევაი შენი, იყავნ ნებაი შენი, ვითარცა ცათა შინა, ეგრეცა

ქუეყანასა ზედა, პური ჩუენი არსობისაი მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიხსნენ ჩუენ ბოროტისაგან.

მღდელმან: რამეთუ შენი არს სუფევაი...

უფალო, შეგვიწყალენ (12-გ ზის).

დიდებაი მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ ქრისტესა მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ თვით ქრისტესა მეუფესა და ღმერთსა ჩუენსა.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღხოცე უშჯულოებაი ჩემი. უფროის განმბანე მე უშჯულოებისა ჩემისაგან და ცოდვათა ჩემთაგან განმწმიდე მე, რამეთუ უშჯულოებაი ჩემი მე უწყი, და ცოდვაი ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ, რაითა განმართლდე სიტყუათაგან შენთა და სძლო სჯასა შენსა, რამეთუ ესერა, უშჯულოებათა შინა მიუდგა და ცოდვათა შინა მშვა მე დედამან ჩემმან. რამეთუ ესერა, ჭემმარტებაი შეიყუარე, უჩინონი და დაფარულნი სიბრძნისა შენისანი გამომიცხადენ მე. მასხურო მე უსუპითა და განვწმიდნე მე, განმბანო მე და უფროის თოვლისა განვსპეტაკნე. მასმინო მე გალობაი და სიხარული და იხარებდენ ძუალნი დამდაბლებულნი. გარე მიაქციე პირი შენი ცოდვათა ჩემთაგან და ყოველნი უშჯულოებანი ჩემნი აღხოცენ. გული წმიდაი დაჰბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ

მიმიღებ ჩემგან. -მომეც მე სიხარული მაცხოვარებისა შენისაი და სულითა მთავრობისაითა დამამტკიცე მე. ვასწავლნე უმჯულოთა გზანი შენნი და უღმრთონი შენდა მოიქცენ. მიხსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენაი ჩემი სიმართლესა შენსა. უფალო, ბაგენი ჩემნი აღახუენ, და პირი ჩემი უთხრობდეს ქებულებასა შენსა. რამეთუ უკეთუმცა გენება, მსხუერპლი შე-მცა-მეწირა, არამედ საკუერთხი არა გთნდეს. მსხუერპლი ღმრთისა არს სული შემუსრვილი, გული შემუსრვილი და დამდაბლებული ღმერთმან არა შეურაცხ-ყოს. კეთილი უყავ, უფალო, ნებითა შენითა სიონსა და აღეშენენ ზღუდენი იერუსალეიმისანი. მაშინ გთნდეს მსხუერპლი სიმართლისაი, შესაწირავი და ყოვლად-დასაწუელი, მაშინ შეიწირნენ საკურთხეველსა შენსა ზედა ზუარაკნი.

კონდაკი 1

ზედამდგომელობასა შენსა და შეწევნასა მარადის შევრდომილნი თაყუანის-ვჰსცემთ უხრწნელსა ხატსა შენსა, უბიწოო, და ღმობიერად გევედრებით, ნუ განმაგდებ ჩუენ, შემწირველთა უღირსთა გალობათა, არამედ ისმინე მდაბალი ვედრებაჲ ჩუენი და დამიფარენ ხილულთა და უხილავთა მტერთა მრავალ-საფრკეთაგან, რადთა ვპოოთ განსუენებაჲ და შუებაჲ წარუვალი ქებით მადიდებელთა შენთა: გიხაროდენ, ყოვლადწმიდაო ღმრთისმშობელო კარისაო, ჭემმარიტო წინამძღუარო ივერიის განბრწყინებისაო!

იკოსი 1

ანგელოზთა სიმრავლენი ცათა შინა და ივერთა სავანისა მონაზონნი მოუკლებელად უგალობენ ნათელ-ცისკროვანსა ხატსა შენსა, პორტაიტისად წოდებულსა, ხოლო ჩუენ ამბორს-უყოფთ კეთილშუენიერებითა მიმსგავსებულთა პირთა მისთა, შენმიერთა მფარველობითა განდიდებულთა და გევედრებით, უბიწოო,

თქუმულნი შენნი, რომელ აღმოთქუ წილხდომილისა ამის
შენისათჳს, ადასრულე, ვითარცა მოწყალემან, და ერი ჩუენი
განსაცდელთაგან და ჭირთაგან შეცული იჯსენ ოხითა შენითა, რადთა
მოვილოთ კურთხევაჲ და მადლი შენ მიერ და მოგიძღუნათ
სამადლობელი ესე ქებისად:

გიხაროდენ, წილხვედრსა შენსა ქუეყანასა ანდრია მოციქულისა
წარმომგზავნელო;

გიხაროდენ, შრომითა და მოღუაწებითა მისითა ერისა ჩუენისა
მომმუშაკებელო;

გიხაროდენ, ჳელითუქმნელითა ხატითა შენითა იბერიისა
მაკურთხეველო;

გიხაროდენ, მისლჳთა შენითა ათონისა განმწმედელო და კერპთა
ძირითურთ აღმომგზურელო;

გიხაროდენ, მთისა ამისა წილად შენდა აღმრჩეველო და ბერთა
სამკჳდრებელად დამდგენელო;

გიხაროდენ, პირველთა ათონელთა მეუდაბნოეთათჳს შემწეობისა
აღმთქუმელო და საცთურთაგან დამცველო;

გიხაროდენ, უდაბნოდსა ამის დედათათჳს მიუვალად დამდებელო;

გიხაროდენ, სულითა წმიდითა განბრძნობილისა ყრმისა მის
ქალწულისა, ნინო კაბადოკიელისა მოციქულებრივისა გზასა ზედა
მომწოდებელო;

გიხაროდენ, შენ მიერ ბოძებულითა ჯუარითა ვაზისადთა მის მიერ
მცხეთას ბომონთა დამცემელო;

გიხაროდენ, კერპოვნებითისა წყუდიადითა დაბნელებულთა გულთა
ქრისტეს ნათლითა განმა-ნათლებელო;

გიხაროდენ, ქუეყანასა ჩუენსა სამოციქულოდსა ეკლესიისა
დამამყარებელო;

გიხაროდენ, ქრისტეს სარწმუნოებისა განსავრცობად ასირიითგან
ივერიას ათცამეტთა მამათა წარმომავლინებელო და მათ მიერ
მონასტერთა დამაარსებელო;

გიხაროდენ, ყოვლადწმიდაო ღმრთისმშობელო კარისაო, ჭეშმარიტო წინამძღუარო ივერიის განბრწყინებისაო!

კონდაკი 2

ზეობასა მას თეოფილე ხატმბრძოლისადათა, მჯედარმან ვინმე უგუნურმან იხილა რად წმიდად ხატი შენი სახლსა მას ნიკიელისა ქურივისასა, კადნიერად მიეტევნა, უბიწოო, და სცა ლახვარი ღმრთივ-საყუარელსა პირსა შენსა, გარნა მყის გარდამოხდა სისხლი და მკერდსა ზედა ესხურა რად მტარვალსა, ცდომილებად თვისი შეინანა და მადლსა და დიდებასა მისცემდა ღმერთსა: *ალილუია*.

იკოსი 2

აჰა, დედად უფლისად, რამეთუ სულითა და ჯორცით ცხოველ არს! _ ღალადყო ბარბაროსმან, და რქუა ქურივსა მას, ქართლოსიანსა: „პატიოსანო დედაო, ხატი ესე უჩინოდ ჰყავ, რადთა არა შებილწონ და ბოროტი რადმე შეგამთხვონ შენცა“, მაშინ მხოლოდშობილი ძმ თვისი შეგვედრა დედაკაცმან და წარგზავნა საბერძნეთად, ხოლო ხატი შენი ამბორისყოფითა და ცრემლთა დათხევითა შეაცურვა ზღუასა, და იხილა რად საკვრველად აღმართებული წყალთა ზედა და მავალი დასავლეთად, ღალადყო წადიერად:

გიხაროდენ, მშობელო, წარწყმედულთა მეძიებელო და სიტკბოებითა შემნდობელო;

გიხაროდენ, ბჭეო ცხოვნებულთაო და მონანულთა შემწყნარებელო;

გიხაროდენ, ნიშ-სასწაულებითა შენითა ურწმუნოთა შემაშფოთებელო;

გიხაროდენ, ბოროტმადიდებელთა კადნიერებისა შემმუსრველო;

გიხაროდენ, შეცოდებათა სიტკბოებითა შემნდობელო და ბოროტად სლვისაგან მომდრეკელო;

გიხაროდენ, სიმართლისა მოძულეთა მამხილებელო და სიცრუისა თანაზიართა მარცხვენელო;

გიხაროდენ, მხოლოდ დედაო, ქმრისა გამოუცდელი, პატიოსანთა მეუღლეთა მაკურთხეველო;

გიხაროდენ, ქურივთა და ობოლთა ნუგეშინისმცემელო და მაწუხებელთა მათთა მიმგებელო;

გიხაროდენ, უმანკოებისა და სიწმიდისა უხილავო მფარველო;

გიხაროდენ, ძმათა შორის მტერობისა დამცხნელო;

გიხაროდენ, ზღუასა შინა სლვისა და ჯმელთა ამბოხისაგან დამცველო;

გიხაროდენ, შენდა მონდობილთა მტერისაგან მკდომისა დამფარველო;

გიხაროდენ, ყოვლადწმიდაო ღმრთისმშობელო კარისაო, ჭეშმარიტო წინამძღუარო ივერიის განბრწყინებისაო!

კონდაკი 3

რაჟამს ძღ კეთილმსახურისა ქურივისაჲ წარემართა საბერძნეთად, წინა-განგებითა ღმრთისაჲთა მიიწია წილხვედრსა მთასა შენსა, და კურთხევად მონაზონებისაჲ მიიღო ქართველთა სავანესა, სადა შემდგომ ივერთა მონასტერი აღაშენეს იოვანე იბერმან და თორნიკე მთაწმიდელმან, ხოლო შენ, რომელმან სასიკუდიანსა სენისაგან განკურნე ყრმაჲ ეფთჳმი და მიჰმადლე გულისკმის-ყოფად მეტყველებად ენათა და თარგმანებად წიგნთა, შემძლებელ ხარ ჩუენდაცა შეწევნად, რამეთუ დიდად გეწყალის და გიყუარს ნათესავი ჩუენი, ამისთჳსცა ვიქადით, ღმრთისმშობელო, და ძესა შენსა და ღმერთსა ჩუენსა ვუგალობთ ყოველნი: *აღილოუია.*

იკოსი 3

შემდგომად ასერგასისა წლისა, ზღუასა ზედა საკვრველად მცურვალი ხატი შენი გამოჩნდა პირისპირ მთაწმიდისა, და ელვანი სხივთა მათ ცეცხლისაჲთა ჰკრთებოდა ღამესა შინა, ხოლო იხილნეს რაჲ სუეტი ნათლისაჲ ზღვთგან ვიდრე ცადმდე მამათა, მიივლტოდეს ნავით ხილვად მისად, გარნა ცეცხლმთებარს იგი

განეშორა და ვერ ღირს იქმნეს მიახლებად საკვრველისა ამის
სიწმიდისა, ეგრეთვე აწ უნუგეშოდ ნუ დამიტევებ მეცა და მომანიჭე
სიბრძნე კეთილისა და ბოროტის განრჩევისაჲ, რადთა
განლტოლვილი უგზოდასაგან ცთომისა, ღირს ვიქმნე შეწირვად
გალობისა:

გიხაროდენ, ხატო მზისა უბრწყინვალესო და ეთერისა ხილვისა
უაღრესო;

გიხაროდენ, განცურვითა წმიდისა სახისა შენისაჲთა ზღვსა მის
ჭეშმარიტად განმწმედელო;

გიხაროდენ, მრავალსა წელსა ღელვათა განმაპობელო და სრბისა
შენისა აღმასრულებელო;

გიხაროდენ, მსგავსებაო ღმრთივდიდებულო, სუეტითა
ცეცხლისაჲთა საკვრველად წარმოჩინებულო;

გიხაროდენ, ნიშნად წინამძღოლობისა შენისა სუეტად ნათლისად
ზეცად აღმწუერვალელებულო;

გიხაროდენ, ცეცხლმგზებარეო მაყუალო, შეუწველად შთენილო და
ბრწყინვალისა შარავანდედისა განმფენელო;

გიხაროდენ, რწმენითა მხილველთა განმამტკიცებელო და
სამკვდრებელისადმი საუკუნოდას მიმანიშნებელო;

გიხაროდენ, ცისკრითა ღმრთისმცნობელობისაჲთა
მართლმადიდებელთა საქრისტიანოთა განმანათლებელო;

გიხაროდენ, ბოროტმადიდებელთა და მწვალებელთა ზრახვათა
განმაქარვებელო;

გიხაროდენ, ჭირთა მძვნვარეთა მსწრაფლ განმდევნელო;

გიხაროდენ, უდაბნოთა და ნაპრალთა შინა კლდისაჲთა მოსაგრეთა
განმაძლიერებელო;

გიხაროდენ, სახიერო მეკარეო, ბჭეთაგან სიკუდილისაჲთა
გამომვსნელო და ცხორებისა კარისა განმღებელო;

**გიხაროდენ, ყოვლადწმიდაო ღმრთისმშობელო კარისაო, ჭეშმარიტო
წინამძღუარო ივერიის განბრწყინებისაო!**

კონდაკი 4

იხილეს რად მოსაგრეთა შორის სუეტსა მას ცეცხლისასა ხატი ღმრთისა დედისად, იწყეს ღამისთევად და მწუხარებითა აღვსებულნი იმარხვიდეს და ილოცვიდეს დამთხველნი ცრემლისად, რადთა ღირს-ქმნილიყო ათონისა მთად ხატისა მის დავანებისად, გარნა შენ აუწყე შვდელსა მას ვნებისასა ბერძენთა: „გაბრიელ ქართველი არს გამომყვანებელ ხატისა ჩემისა და მხოლოდ ბერი იგი არს ღირს შეხებად მისა“, და ესმნეს რად უწყებად ესე მამათა, შეძრწუნებულნი განკრთეს და აქებდეს ძალსა ქრისტესსა: *აღილუთა*.

იკოსი 4

მაშინ ჩუენებასა შინა განუცხადე გაბრიელსა: „აუწყე ივირონისა წინამძღუარსა და ძმებსა, ვითარმედ მწადის რად მინიჭებად მათდა წმიდად ხატი ჩემი მწედ და მფარველად ნათესავისა თქუენისა, მრავალთა შორის მამათადასა გამოგირჩიე შენ მიქმად პატიოსნისა ხატისა ჩემისა, ზღუასა ზედა დაუნთქმელად მქცევისა“, ხოლო ესმა რად ესე წმიდასა მოსაგრესა, გულისჴმა-ყო, რამეთუ მიეცათ ხატი შენი წინდად მოწყალებისა, და ვითარცა გშუენოდა დედასა ღმრთისასა, შეგასხა სამადლობელი ესე ქებისად:

გიხაროდენ, ხატისა შენისათჳს ახლისა სამკვდრებელისა მზომებელო;
 გიხაროდენ, მადლთა საღმროთა უხუებით მომნიჭებელო;
 გიხაროდენ, მონაზვნურისა ცხორებისა მაკურთხეველო;
 გიხაროდენ, ღუაწლსა შინა მყოფთა მწყალობელო;
 გიხაროდენ, ყოვლისა ღმრთის ნებისა მასწავლელო;
 გიხაროდენ, ზოგად-ცხორებულთა მონასტერთა ღმრთეებრივითა საფარველითა დამფარველო;
 გიხაროდენ, გამოცხადებითა საკვრველისა ხატისა შენისადთა ნათესავისა ჩუენისათჳს მოწყალებათა აღთქუმისა დამდებელო;
 გიხაროდენ, ღმრთისმებრძოლთა სილალისა დამამჴობელო;
 გიხაროდენ, აღვრ-უსხმელთა და ნაყროვანთა დამაოკებელო;

გიხაროდენ, სიყმილითა შეიწრებულთა საკვრველებითა დამაპურებელო;

გიხაროდენ, ცეცხლისაგან დამცველო და მწუხარებათა დამცხნელო;

გიხაროდენ, მდაბალთა ამამაღლებელო და მზვაობართა დამცემელო;

გიხაროდენ, ყოვლადწმიდაო ღმრთისმშობელო კარისაო, ჭეშმარიტო წინამძღუარო ივერიის განბრწყინებისაო!

კონდაკი 5

მსწრაფლ მივიდნენ ბერძენნი ივერთა მონასტერსა და იკითხვიდეს რად გაბრიელსა, სცნეს, რამეთუ იყო დაყუდებული მონაზონი ნაპრალთა შინა, სიწმიდითა გულისაჲთა ღმრთისა ხედვისა მომგებელი და ანგელოზთა მობაძავი ცხორებითა, და წარიყუანეს რად ზღვს ნაპირად პასექისა სამშაბათსა, სასოებითა შევრდომილი მტკიცესა მას შენსა შეწევნასა, წყალსა ზედა ფერჯითა ვიდოდა ღირსი გაბრიელ დაუნთქმელად, ვითარცა პეტრწ ზღუასა მას შინა გალილეადსა, და იყო სიხარული ყოველთა სავანეთა და ერთბამად დიდებისმეტყუელეს ღმერთსა, საკვრველთმოქმედსა: *ალილუია.*

იკოსი 5

შე-რად-ვიდა ზღუად ღირსი გაბრიელ, ცრემლითა გილაღადა: „ჰ, დედათა შორის კურთხეულო, მოვედ და დაიფარე სამკვდრებელი შენი უსაცთუროდ მტერთაგან“, და ზღუამანცა, ხატისა შენისა მტვრთველმან, საკვრველად მიუბოძა იგი უვნებელად, მაშინ თაყუანისცემითა მიიქუა მკერდსა ზედა ნეტარმან და სადა იგი გამოაბრძანა საუნჯწ უსასყიდლოდ და დაასუენა, მყის აღმოაცენე წყაროდ სასწაულთმოქმედი, რომლისაგან კუალად აღმოადინებ კურნებასა, ხოლო მხილვენი ამისნი შეემთხვივნეს უხრწნელსა ხატსა შენსა ლიტანიობითა და სახარულევანითა გალობითა:

გიხაროდენ, დედოფალო ზეცისაო და ქუეყანისაო, ღმრთეებრივისა სიწმიდისა და სიყუა-რულისა განმავრცობელო;

გიხაროდენ, ნიშთა და სასწაულთა განდიდებითა ერთგულთა გონებისა განმაბრძნობელო;

გიხაროდენ, შარავანდედითა მოწყალებისა შენისადათა ხატთაყუანისმცემელთა მწუხარებისა სიხარულად გარდამქცეველო;

გიხაროდენ, მორწმუნეთათჳს ტკბილისა ნათლისა ძლევისადათა მომფენელო და განმამტკიცებელო;

გიხაროდენ, უცხოებასა შინა მყოფთა ნეტარ-საკსენებელთა მამათა ჩუენთა უფროჲს მკვდრთა მათ ბერძენთადათა განმადიდებელო;

გიხაროდენ, სოფლის ამბოხისა და ბრძოლისაგან განმარინებელო;

გიხაროდენ, უძლურთა განმადლიერებელო და მშიერთა გამომზრდელო;

გიხაროდენ, ყოვლისაგან მანქანებისა საეშმაკოდსა გამომკსნელო;

გიხაროდენ, ქართველთა ერისათჳს კეთილმსახურებითისა სიტკბოებისა უფლისაგან გამომთხო-ველო;

გიხაროდენ, შენდამი შევედრებულთა საპყრობილეთა და საკრველთაგან განმათავისუფლებელო;

გიხაროდენ, ღრმად დაძინებულისა სჯნდისისა ჩუენისა განმაღვძებელო;

გიხაროდენ, მწუხარისა ცხორებისა ჩუენისა განმაცისკრებელო;

გიხაროდენ, ყოვლადწმიდაო ღმრთისმშობელო კარისაო, ჭეშმარიტო წინამძღუარო ივერიის განბრწყინებისაო!

კონდაკი 6

მაშინ აღაგეს მუნ მცირე სამლოცველოდ იბერთა და პარაკლისითა და გალობითა თაყუანის-სცეს ხატსა ცოცხლებრ მავალსა, ხოლო შემდგომად სამისა დღისა კრძალვთ აღიღეს საუნჯე იგი უპატიოსნესი, უფროჲს ყოველთა ქუათა პატიოსანთა, და დიდითა პატივითა დაასუენეს საკურთხეველსა შინა ტაძრისასა, გარნა მიეფარა და უჩინოდ იქმნა, და მრავლითა ძიებითა იპოვეს კარიბჭესა ზედა ივერთა მონასტრისასა, ხოლო ესმნეს რად საშინელი ესე ძლიერებად ხატისად მამათა, სარწმუნოებითა შეუვრდენ

მფარველობასა შენსა და ჳმითა მადლობისიადთა აქებდენ ღმერთსა:
ალილოუია.

იკოსი 6

ეჳა, დიდებაჲ საჳკრველებათა შენთა, ღმრთისმშობელო, რამეთუ
კუალად გამოუჩნდი გაბრიელსა და რქჳ: „ამცნე ივერთა მონასტრისა
მწყემსთა, ვითარმედ არა მნებაჳს მფარველობაჲ თქუენი, არამედ მე
ვარ მცველიცა და მფარველიც ქართველთა ნათესაჳისაჲ, და ვიდრეღა
იყოს ხატი ესე ჩემი საჳანესა ამას შინა, არა მოგაკლდეთ მადლი და
წყალობაჲ ჩემი და ძისა ჩემისაჲ“, მაშინ მსმენელნი ამისნი შესხმასა
სიტყუათასა, ვითარცა ძღუენსა სახარულეჳანსა მოგიძღუნიდენ, და
სასოსა ერისა ჩუენისასა გიგალობდენ და გნატრიდენ:

გიხაროდენ, სიწმიდისა თაყუანისმცემელთა შემწეო და სასოებითა
აღმავსებელო;

გიხაროდენ, ქართლოსიანთა აღმატებულთა სიხარულთა
აღმამაღლებელო;

გიხაროდენ, ივერიელთა საჳანიტგან ყოველგნით დაუღეჳნელთა
მადლთა განმგენელო;

გიხაროდენ, მწიკულეჳანთა და მრავალშეცოდებულთა სულთა
განმწმედელო;

გიხაროდენ, ქრისტჳს სიყუარულისა კაცთა შორის დამნერგველო;

გიხაროდენ, ცრუ-მორწმუნეობისა საცთურისა დამშრეტელო;

გიხაროდენ, მძლავრთა ამჳარტაჳნებისა და ეშმაკისა სიცბილისა
დამთრგუნველო;

გიხაროდენ, მოშურნეთა და ცილისმწამებელთა დამამდაბლებელო;

გიხაროდენ, გრძნებისმოქმედთა და მჩხიბაჳთა დამამხობელო;

გიხაროდენ, გამოუცდელთა და უჳასაკოთა ყრმათა ვნებულთა
გულისთქუმათაგან დამფარველო;

გიხაროდენ, უბიწოთა ქალწულთა განმხრწნელთა კაცთაგან
დამცველო;

გიხაროდენ, ცეცხლთა საღმრთოჲთა, რომელიცა გამოჳალს ხატით

შენისადთ, ხატომბრძოლთა ბანაკისა დამწველო;
 გიხაროდენ, ყოვლადწმიდაო ღმრთისმშობელო კარისაო, ჭეშმარიტო
 წინამძღუარო ივერიის განბრწყინებისაო!

კონდაკი 7

რაჟამს აღვიდეს მამანი სენაკსა გაბრიელ ბერისასა და აუწყეს უჩინო-
 ქმნად ხატისად, რქუა ნეტარმან ივირონისა წინამძღუარსა იოვანეს და
 ძესა მისსა ეფთჳმისა: „არა არს ნებად ყოვლად წმიდისად, რადთამცა
 ხატი მისი ესვენოს დაფარულსა შინა, არამედ მოავლინა ხატი თჳსი,
 რადთა ყოველნი ევედრებოდეს და სარწმუნოებითა მოიღებდეს
 მისგან ძღუენთა გულმოწყალებისა მისისათა“, მაშინ მსმენელნი
 ამისნი სიყუარულითა შეიტკბობდეს წმიდასა ხატსა უბიწოდსა
 დედისასა და მხოლოდშობილსა ძესა მისსა შესწირვიდეს
 მსხუერპლსა ქებისასა: *ალილოუია.*

იკოსი 7

ეჰა, გამოუთქმელსა სახიერებასა წმიდისა მარიამისასა, რამეთუ
 ესევეითარი ცხადი სასწაული ჩუენებულ იყო დედობრივისა
 სიყუარულისათჳს ერისათჳს მისდა წილხდომილთა, ოდეს
 ანგელოზთა მიერ ზღვთ მიძღუანებული ნათელცისკროვანი ხატი
 თჳსი არა მიჰმადლა სხუასა მონასტერსა, არამედ ივერთასა ღირს
 იჩინა დავანებად და მით აკურთხა ახლად-აგებული სავანწ იგი
 ბერთად, ხოლო ჩუენ მსმენელნი იოვანწსა და ეფთჳმის „ცხორებისა“,
 ვსტირით დაკარგვისათჳს მონასტრისა ამის ნათესავისა ჩუენისასა და
 გალობითა შევამკობთ საკვრველსა ხატსა ქართველთა
 უპირველესისა მეოხისასა:

გიხაროდენ, უზეშთაესო ყოველთა ქუეყნიერთა მეფეთა და
 მთავართაო;

გიხაროდენ, ძისა შენისა თანა შესავედრებელო ივერიელთაო;

გიხაროდენ, სიხარულო მთაწმინდისა უდაბნოდსა მკვდრთაო;

გიხაროდენ, ხატისა შენისა მიერ გარდამომავლინებელო მადლთა და წყალობათაო;

გიხაროდენ, მტკიცეო ზღუდეო სარწმუნოებითა შევრდომილთაო;

გიხაროდენ, სანატრელო და სიქადულო ქრისტიანეთაო;

გიხაროდენ, სასოებაო შენდამი მონდობილთაო;

გიხაროდენ, მფარველო კეთილად განკრძალულთა მღდელთაო;

გიხაროდენ, კეთილშემამკობელო სათნოთა სასძლოთაო;

გიხაროდენ, შვლიერ-მყოფელო უშვლოთაო;

გიხაროდენ, ნუგეშინისმცემელო დამწუხრებულთა დედათაო;

გიხაროდენ, სურნელ მყოფელო სულთა და გონებათა ჩუენთაო;

გიხაროდენ, ყოვლადწმიდაო ღმრთისმშობელო კარისაო, ჭეშმარიტო წინამძღუარო ივერიის განბრწყინებისაო!

კონდაკი 8

განაკვრვა მოსაგრენი დიდებულეებამან სასწაულთა შენთამან, და აღაშენეს რად მცირე ტაძარი მახლობლად კარიბჭისა, დაასუენეს წმიდად ხატი შენი, უბიწოო მარიამ, უწოდეს კარისად და განაწესეს დღესასწაული ხატისად, ხოლო მეფენი საქართველოდსანი და მთავარნი ერთა თანა, პატივს სცემდეს მას მრავლითა სამკაულითა, და მონასტერსა აღავსებდეს შესაწირავითა ურიცხვთა, გარნა აწ არცალა ერთი ქართველი იპოების მამათა ჩუენთა მიერ ნალუაწსა მონასტერსა, არამედ აღადგინე სამართალი და ივირონსა შინა კუალად დაამკვდრე ნათესავი ქარ-თველთად, რადთა მარადის მსახურებდეს კეთილსახელოვანსა ხატსა შენსა და ტკბილ-ჰმოვანიითა ჩუენითა ადიდებდეს სამებასა, განუყოფელსა და შეურწყმელსა: **აღილოუია.**

იკოსი 8

რაჟამს საკვრველად მიიწია ხატი შენი ნიკიითგან ათონად, და მიეცა იგი, ვითარცა ბრწყინვალე სამკაული ივერთა მონასტერსა, მიერითგან უცნაურთა იქმოდნი საკვრველებათა: სნეულთა

ჰკურნებდი, ეშმაკთა განჰხდიდი და იცავდი მვედრებელთა შენთა, ხოლო ზეთი, იფქლი და ღვინოდ მრავალგზის განამრავლენ სავანესა, რომლისათვისცა ხატსა შენსა უწოდდენ „მწყალობელსა“, არამედ აწ მრავალთა პირთა მიერ ხატისადთა კუალად აღასრულებ სასწაულთა, და იქსნი ყოველთაგან ვნებათა მტერისადთა და სალმობათა ხატთაყუანისმცემელთა და სურვილით მგალობელთა:

გიხაროდენ, მარიამ, ასულო დავითისაო და სძალო ცათა მეუფისაო;

გიხაროდენ, მხოლოო მშობელო სულთა ჩუენთა მაცხოვრისაო;

გიხაროდენ, უბიწოო სამკვდრებელო ნათლისა ყოვლადწმიდისაო;

გიხაროდენ, წყაროო ცხოველსმყოფელისა მადლისაო;

გიხაროდენ, საღმრთოო შუამდგომელო ნათესავისა ჩუენისაო;

გიხაროდენ, დაუძინებელო მცველო და ქომაგო ქართველთა მიწა-წყლისაო;

გიხაროდენ, შეურყეველო გოდოლო წმიდისა ეკლესიისაო;

გიხაროდენ, მზრუნველო და მეკარეო ივერთა საღმრთოდასა მონასტრისაო;

გიხაროდენ, სახიერო დედაო და მფარველო შენდა წილხვდომილისა ერისაო;

გიხაროდენ, წმიდისა მთისა ილუმენიავ და შემწეო ბერ-მონაზონათა კრებულისაო;

გიხაროდენ, ჭემმარიტო მეუფეო ქუეყანისა ჩუენისაო;

გიხაროდენ, სასოებაო ყოველთა აღდგომისაო და თავსმდებო საუკუნოდასა ცხორებისაო;

გიხაროდენ, ყოვლადწმიდაო ღმრთისმშობელო კარისაო, ჭემმარიტო წინამძღუარო ივერიის განბრწყინებისაო!

კონდაკი 9

დაღათუ საკვრველი ხატი შენი უპყრიეს ათონის ივერთა მონასტერსა, უნუგემოდ არცაღა დაგვტევენ ნათესავი ქართველთაჲ და ყოვლად დიდებულთა პირთა მიერ ხატისათა გარდამოავლინებ ცუართა მადლისა შენისათა, და წმიდასა და წმიდამყოფელსა

მრონსა უწყა-როებ სულსა მორწმუნეთასა, ხოლო ჩუენ
მფარველობასა მათსა სარწმუნოებითა შევუვრდებით და ვითხოვთ
შენ მიერ ცოდვათა შენდობასა და საღმრთოდსა დიდებისა ზიარებასა,
რადთა არა დაგვხშოს კარი სასძლოთა, და ბრძენთა მათ ქალწულთა
თანა განგვიღოს სიძემან, წადიერად და ტკბილად მგალობელთა:
აღიღუია.

იკოსი 9

უწყით რად ოხათა შენთა და მოწყალებათა სიმრავლჳ, ქალწულო
პორტაიტისაო, სიყუარულითა მოვკლტით წინაშე ხატთა შენთა
შეწირვად მდაბალთა ვედრებათა ჩუენტა: რადთა ტკბილთა ოხათა
შენთა მიერ შეგვაწყნარო ძესა შენსა, უფალსა ღმერთსა ჩუენსა იესუს,
მოიხი-ლოს ერსა თვსსა ზედა, რომელსა არა აქუს სიტყვსგებად წინაშე
მისსა, და მტერთა კუეთებითა შერყეული ქუეყანად ჩუენი დაიცვას
შეუძრველად, და განმგებელად და მმართველად მოგუმადლოს
მწყემსნი და მუშაკნი, ბრძენნი და სახიერნი, რადთა ღირსებითა და
სიწმიდითა იურვოდენ ერთა, რწმუნებულთა მათდამი და
ყოვლითავე სულიერითა და ჳორციელითა კეთილითა
აღგვაორძინებდენ შენდამი მგალობელთა:

გიხაროდენ, ვარსკულავო ელვარეო, ჳსნისა მეძიებელთათვს გზისა
მაჩუენებელო;

გიხაროდენ, სამკვდრებელსა ზედა ჩუენსა მადლისა მომფენელო;

გიხაროდენ, კანდელის საკვრველითა ტრიალითა ჳირთა და
განსაცდელთა მომასწავებელო;

გიხაროდენ, კაცთა მამულად სამსახურებელად და წესიერებად
მომყვანებელო;

გიხაროდენ, წყევისა დამჳსნელო და კურთხევისა მომნიჳებელო;

გიხაროდენ, მამა-პაპათა ღუაწლისა უარისმოფელთა მარცხვენელო;

გიხაროდენ, დედათათვს სულიერისა სიმტკიცისა და
კრძალულებისა მასწავლელო;

გიხაროდენ, უდედოდ დაშთენილთა ჩჩვლთა უხილავო მზრდელო;

გიხაროდენ, კეთილმორწმუნეთა მთავრობათა და მკედრობათა
მაკურთხეველო;

გიხაროდენ, მძლავრთა კაცთ-მოდულებთა მთავართა და მსაჯულთა
განმდევნელო და მათ მიერ უსამართლოდ დევნულთა და
შეურაცხყოფილთა მწყალობელო;

გიხაროდენ, ბოროტეულისა განმამართლებელთა და მართლისა
განმამტყუნებელთა შემრისხველო;

გიხაროდენ, ნებსით თვსით პორტაიტისას, ვითარცა ძუელ ოდესმე,
ქართულითა ოქროცურვილითა კუართითა შემმოსველო;

*გიხაროდენ, ყოვლადწმიდაო ღმრთისმშობელო კარისაო, ჭეშმარიტო
წინამძღუარო ივერიის განბრწყინებისაო!*

კონდაკი 10

ეწადა რად პატრეარქსა ყოველთა ქართველთასა გამოხატვად
კარიბჭის ხატისად, კრებულმან ივირონისამან მამად პახუმი აკურთხა,
რადთა განამრავლნეს ნიჭნი მადლისად, ხოლო მან განწმი-და ფიცარი
პორტაიტისას ნაბანიითა, და გამოსახა ხატებად მისი, რომელიცა
დაუუნჯე, უბიწო, მადიდებელსა შენსა ქალაქსა და ერსა შენდა
წილხვდომილსა, რადთამცა ელიადს ხალენისა, შენ მიერ ქსოვილისა
კუართისა საუფლოდსა, და მასზედ აღმართულისა სუეტისა
ცხოველისა თაყუანისმცემელნი, ღირს ვიქმნნეთ შევრდომად
კურთხეულისაცა ამის საუნჯისა და მადლობად და ქებად შენ მიერ
გამოუთქმელად შობილისა ძისა ღმრთისა: *ალილოუია.*

იკოსი 10

აჰა, ესერა ქუეყანასა ჩუენსა ნათელი ბრწყინვალე გამობრწყინდა და
დიდად შუენიერი პირი კარის ღმრთისმშობლისად, დღესასწაულსა
იოვანე ღმრთისმეტყუელისასა მობრძანდა ათონითგან ტფილისსა,
ხოლო პატრიარქი მღდელთმთავართა და მღდელთა თანა, და
ყოველი სიმრავლე ერისად წინა მიეგებნეს დიდითა პატივითა, და
დაასუენეს რად დიდებულსა სიონსა, მიერითგან წლითი-წლად

აღასრულებს ეკლესიად ჩუენი დღესა გამოჩინებისა მისისასა, ხოლო იგი საფა-რველითა თვისითა იცავს სამეუფოსა ამას ქალაქსა და ღმრთივდაცულსა ერსა ჩუენსა, და ყოველთა შევედრებულთა მისთა მიჰმადლებს უხვსა საბოძვარსა წყაროდსაგან უღვესა მადლისა, ამისთვსცა ერნი საქართველოდსანი მოვსწრაფვით სიონად, რადთა სიწმიდჳ იგი მჰურვალედ შევიტკბოთ და ჳმა-ვჰყოთ წადიერად:

გიხაროდენ, მადლითა შენითა ივერიისა უპირველესად დამფარველო;

გიხაროდენ, ღმრთივგანბრძნობილთა მოღუაწეთა მიერ სამწყსოდსა შენისა კეთილად დამწყსველო;

გიხაროდენ, ხედვითა ბრწყინვალისა ხატოვნებისა შენისადთა ჩუენ ყოველთა დამატკბობელო;

გიხაროდენ, სატანისა მაჰეთაგან და უცხო თესლთა ზედა მოსლვისაგან დამჰსნელო;

გიხაროდენ, მართლმადიდებელთა სჰათა განმამტკიცებელო და დამფარველო;

გიხაროდენ, ცოდვათა მიერ დაბრძობილთა თუალთა სულისადთა აღმხელელო;

გიხაროდენ, გულითა დაზრჰელებულთა სიყუარულად აღმძრველო;

გიხაროდენ, გონებისა ჩუენისა საღმრთოდთა შიშითა განმსწავლელო;

გიხაროდენ, უგულისჰმოებისა ბნელისა განმდევნელო;

გიხაროდენ, უსასოებისა სიზრჰისა განმძარცველო;

გიხაროდენ, უნაყოფოდსა და ნელტფილისა სარწმუნოებისა ჩუენისა განმაცხოველებელო;

გიხაროდენ, ჩუენ ზედა აღდგომილთა უგუნურთა კაცთა ბოროტისა განზრახვისა განმაჰარვებელო;

გიხაროდენ, ყოვლადწმიდაო ღმრთისმშობელო კარისაო, ჰეშმარიტო წინამძღუარო ივერიის განბრწყინებისაო!

კონდაკი 11

ესმა რად პატრეარქსა, რამეთუ სიონის კარის ღმრთისმშობელი უშურველად აღმოაცენებს მადლსა ჭემმარიტსა და წყალობასა, და ყოველთა თაყუანისცემელთა მისთა უზესთაეს მზისა გამოუბრწყინვებს შეწევნისა შენისა საბოძვართა, ბრძანა ოქროცურვილითა კუართითა შემკობად ხატისად და ყოველთა ქალაქთა და სოფელთა შინა მიმოსლვითა განფენად მადლისად, რადთა პირის-პირ ხილვისა მისისა ღირს ქმნილნი და ამბორისმყოფელნი, სიტკბოებითა შენითა მოიღე-ბდეს სულთა და ჯორცთა კურნებასა, და მადლთა შენთა მიერ განმდიდრებულნი, ქებასა ქებათასა მისცემდეს ღმერთსა: *აღილუთა*.

იკოსი 11

შიში და ზარი დაეცა ღმრთისმოყუარესა დედაკაცსა, ოდეს ჩუენებასა შინა იხილა წმიდად ხატი შენი კარისად, მახათისა მთასა ზედა მოტრიალჷ და მკუმოლვარჷ ცეცხლითა და არმურითა, ხოლო შენ ხატითგან ღალადყავ, ღმრთისმშობელო მარიამ, თუ ვითარ ძილის დაქსნი-ლებასა მივცემივართ, ოდეს წილხვედრი შენი ცოდვითა და სიბოროტითა დაცემულ არს, ხოლო ღირსებად და დიდებად ერისად დამდაბლებულ არს, და აუწყე მოსაწევნელი იგი მძვნვარჷ განსაცდელი ნათესავსა ზედა ჩუენსა, გარნა მნებებელმან ვსნისა ჩუენისა, მოგკწოდე ყოველთა, რადთა სინანულმან ჩუენმან განსაცდელი იგი დაქცევისად დაქსნას, მსგავსად ნინეველთაჲსა, და ერთობით ვილოცოთ გადარჩენისათჳს საქართველოჲსა, ამისთჳსცა მარადის ღირს ხარ გალობის შეწირვისა:

გიხაროდენ, ხატისა შენისათჳს ახლისა სამკვდრებელისა განმამზადებელო;

გიხაროდენ, მახათის მთასა ზედა ივერთა მონასტრისა აღგებისა მიმანიშნებელო;

გიხაროდენ, სავანისა ამისა მეოხო და ზედამდგომელო;

გიხაროდენ, ერთმორწმუნეთა შორის შუღლისა და მტერობისა
სიყუარულითა და მშვიდობითა შემცვალელო;
გიხაროდენ, საუფლოდსა ერისა მზაკუვარებითა განმხრწნელთა
შემრისხველო;
გიხაროდენ, კურთხეულისა ენისა ჩუენისა მბრძოლთა და
აღმოფხურად აღძრულთა დამლახვრელო;
გიხაროდენ, ყოველთა ბოროტთა ზნე-ჩუეულებათა და ბიწიერებათა
დამთრგუნველო;
გიხაროდენ, ივერიელთა მტერობისთვის ყოველთა შემადრწუნებელო
და დამამცრობელო;
გიხაროდენ, ძმათ-ყუყუარულთა და ანგარ-მომხვეჭელთა
მარცხვენელო;
გიხაროდენ, სარწმუნოებისა გარდამქცეველთა და სჯულთა უცხოთა
მიდევნებულთა მამხილებელო;
გიხაროდენ, სამკვდროდსაგან ჩუენისა აღჯოცისა წყურიელთა ზედა
უფლის რისხვისა მომწევნელო;
გიხაროდენ, ერისათვის ჩუენისა ზღუდედ მოცემულთა და ბოროტისა
მის ანტიქრისტეს ბრძოლისაგან შეუხებელად დამფარველო;
*გიხაროდენ, ყოვლადწმიდაო ღმრთისმშობელო კარისაო, ჭეშმარიტო
წინამძღუარო ივერიის განბრწყინებისაო!*

კონდაკი 12

მადლისა მოცემისა მნებებელმან, კუალად გამოგჩინე ჩუენ ხატნი
შენნი, რომლისადა მიახლე-ბულნი თაყუანის-ვსცემთ
ანგელოზთაგან პატივცემულსა სახესა შენსა და გევედრებით: ჭ,
დედაო ღმრთისაო ივერიის კარისაო: სამთავროდსაო და ბოდბისაო;
ჯიხეთისაო და თეკლათისაო; სიონისაო და ყოველსა ქუეყანასა ზედა
განდიდებულთა ქალწულთა პორტაიტისაო, საფარველითა მით
მადლისა შენისადათა დაიფარე ყოველნი ქალაქნი და სოფელნი
ივერიისანი, და ურთიერთმტე-რობისაგან იკსენ ერთმორწმუნენი

ერნი, ყოვლისა სასოებისა შენზედა დამდებელნი, და ქრისტეს მაქებელნი: *ალილოია*.

იკოსი 12

საღმრთოთა გალობათა მიერ, ქალწულო ღმრთისმშობელო, ღმრთეებრივსა ხატსა შენსა თაყუანის-ვსცემთ და გევედრებით: ვითარცა მწე და მფარველ ექმენ სავანესა ივერთასა და დაანთქ ზღუასა შინა მკედარნი ამირასნი ნაგებითურთ მათითა, ეგრეთვე აწ განაზნიე მტერნი ჩუენნი ურიცხვი, რომელთა განიგდეს წილი სამკვდრებელსა ჩუენსა ზედა და ვიდრე აღსრულებადმდე საუკუნისა დაიცევ ივერიაჲ და ერი ივერიისაჲ, რადთა ყოველნი ერთობითა ვიღუწიდეთ სადიდებელად ღმრთისა და გაქებდეთ შენ, წმიდაო პორტაიტისაო, მსგავსად ძალისა ჩუენისა:

გიხაროდენ, დახატულებაო ტკბილისა მარიამისაო, რამეთუ საკვრველებათა მათ აღმობრწყინვებითა ელვარობს ხატი შენი წმიდისა მის მონასტრისაგან ივერთაჲსა ყოველსა ზედა ქუეყანასა; გიხაროდენ, რამეთუ თქმულ არს, ვითარმედ მოციქულმან ლუკამ გამოგხატა, ვიდრელა იყავ სოფელსა შინა და ყოველმან ათონმან დაგიუნჯა, ვითარცა ბრწყინვალე ლამპარი სასოებისაჲ; გიხაროდენ, კიბეო ზეცად აღმართებულო, რამეთუ პირისა შენისა ყოვლად წმიდისა და უხრწნელებისა ხატი ქუეყანით ზეცად მიგუზიდავს;

გიხაროდენ, რამეთუ წმიდათა პირთა მიერ ხატისათა აღასრულებ სასწაულთა და უხუებითა შეეწევი ურვეულთა და ჭირვეულთა; გიხაროდენ, მოწყალებისა მდინარეო და სახიერებისა საუნჯეო, რამეთუ განცხადებულად მოგვანიჭე სასწაული ცნობათა უაღრესი; გიხაროდენ, დიდებაო და სიქადულო ხატთაყუანისმცემელთაო, რამეთუ მინასა ზედა, ძალითა ძალლისაჲთა, თვნიერ ფერთა უნივთოდ გამოისახა სიონისა კარისა ღმრთისმშობელი; გიხაროდენ, სირცხვლეულ-მყოფელო ხატთმებრძოლთაო, რომელნი დაფარულსა შინა ამყოფებენ და შეურაცხ-ჰყოფენ უხრწნელთა და

კეთილსახელოვანთა ხატთა და სიწმიდეთა;
 გიხაროდენ, შეუორგულებელო თავს-მდებო ჳსნისა ჩუენისაო,
 რამეთუ წინასწარმეტყუელეს შენთჳს მამათა, ვითარმედ
 დასასრულსა მას საუკუნეთასა დაუტევებ ივერთა სავანესა;
 გიხაროდენ, სამკაულო და დიდებაო წმიდისა ეკლესიისაო, რამეთუ
 ათონისა დატევებითა მოასწავებ ქრისტეს მეორედ მოსლვასა;
 გიხაროდენ, სიმტკიცეო და ძლიერებაო ერისა ჩუენისაო, რამეთუ
 უკანადსკნელად სამკვდრებელად ივერიის გამორჩევითა
 ბრწყინვალედ დიდებულ ჰყოფ მკვდრთა მისთა;
 გიხაროდენ, უძლეველო ზესთამბრძოლო საქართველოდსაო, რამეთუ
 დიდებითა მოევლინები ქუეყანასა ჩუენსა, რადთა ნაწილსა შენსა
 დამკვდრებულნი ვიდრე აღსასრულადმდე დაიცვა;
 გიხაროდენ, ტკბილო და სახიერო ნუგეშო ჩუენო, რამეთუ შენ მიერ
 საზეპუროდ ერი ჩუენი მკუდრეთით აღსდგების, და ღირსებად და
 დიდებად მისი კუალად აღმალღების;
 გიხაროდენ, ყოვლადწმიდაო ღმრთისმშობელო კარისაო, ჭემმარიტო
 წინამძღუარო ივერიის განბრწყინებისაო!

კონდაკი 13

ჟ, ყოვლად უხრწნელო დედოფალო, მარიამ ღმრთისმშობელო,
 ვითარცა ხარ შენ უსასყიდლოდ მკურნალი და წყაროდ კეთილთა
 დაუსრულებელთა, ეგრეთვე ხატსა შენსა ივერიის კარისასა, აქუს
 ძალი და მადლი კურნებისად მისა მიერ შენისა, ხოლო მხედველნი
 მადლისანი, რომელი აღმოეცენება წმიდათაგან პირთა მისთა,
 განვსცხრებით სიხარულითა და გევედრებით: დედათა შორის
 კურთხეულო, დაგვფარენ ყოვლისაგან რისხვსა და მტერისაგან
 მკდომისა, რომელნი აღდგომილ არიან ჩუენ ზედა, და დაუსჯელად
 დაგვცევ ჩუენ ჟამსა განსჯისასა, რადთა ვიხარებდეთ ერთა თანა
 ზეცისათა და ვადიდებდეთ ყოვლადწმიდასა სამებასა: *აღილუიკა.*

ეს კონდაკი 3-გ ზის, შემდეგ

იკოსი 1

ანგელოზთა სიმრავლენი ცათა შინა და ივერთა სავანისა მონაზონნი მოუკლებელად უგალობენ ნათელ-ცისკროვანსა ხატსა შენსა, დედაო ნათლისაო, ხოლო ჩუენ ამბორს-უყოფთ კეთილშუენი-ერებითა მიმსგავსებულთა პირთა მისთა, შენმიერითა მფარველობითა განდიდებულთა და გვედრებით, უბიწოო, თქუმულნი შენნი, რომელ აღმოთქუ წილხდომილისა ამის შენისათჳს, აღასრულე, ვითარცა მოწყალემან, და ერი ჩუენი განსაცდელთაგან და ჭირთაგან შეცული იკსენ ოხითა შენითა, რადთა მოვილოთ კურთხევად და მადლი შენ მიერ და მოგიძლუნათ სამადლობელი ესე ქებისად: გიხაროდენ, წილხვედრსა შენსა ქუეყანასა ანდრია მოციქულისა წარმომგზავნელო;

გიხაროდენ, შრომითა და მოღუაწებითა მისითა ერისა ჩუენისა მომმუშაკებელო;

გიხაროდენ, ჳელითუქმნელითა ხატითა შენითა იბერიისა მაკურთხეველო;

გიხაროდენ, მისლჳთა შენითა ათონისა განმწმედელო და კერპთა ძირითურთ აღმომფხურელო;

გიხაროდენ, მთისა ამისა წილად შენდა აღმრჩეველო და ბერთა სამკვდრებელად დამდგენელო;

გიხაროდენ, პირველთა ათონელთა მეუდაბნოეთათჳს შემწეობისა აღმთქუმელო და საცთურთაგან დამცველო;

გიხაროდენ, უდაბნოჲსა ამის დედათათჳს მიუვალად დამდებელო;

გიხაროდენ, სულითა წმიდითა განბრძნობილისა ყრმისა მის ქალწულისა, ნინო კაბადოკიელისა მოციქულებრივსა გზასა ზედა მომწოდებელო;

გიხაროდენ, შენ მიერ ბოძებულითა ჯუარითა ვაზისადთა მის მიერ მცხეთას ბომონთა დამცემელო;

გიხაროდენ, კერპოვნებითისა წყუდიადითა დაბნელებულთა გულთა ქრისტეს ნათლითა განმა-ნათლებელო;

გიხაროდენ, ქუეყანასა ჩუენსა სამოციქულოჲსა ეკლესიისა

დამამყარებელი;

გიხაროდენ, ქრისტეს სარწმუნოებისა განსავრცობად ასირიითგან ივერიას ათცამეტთა მამათა წარმომავლინებელი და მათ მიერ მონასტერთა დამაარსებელი;

გიხაროდენ, ყოვლადწმიდაო ღმრთისმშობელო კარისაო, ჭეშმარიტო წინამძღუარო ივერიის განბრწყინებისაო!

კონდაკი 1

ზედამდგომელობასა შენსა და შეწევნასა მარადის შევრდომილნი თაყუანის-ვჰსცემთ უბრწნელსა ხატსა შენსა, უბიწო, და ღმობიერად გევედრებით, ნუ განმაგდებ ჩუენ, შემწირველთა უღირსთა გალობათა, არამედ ისმინე მდაბალი ვედრებაჲ ჩუენი და დამიფარენ ხილულთა და უხილავთა მტერთა მრავალ-საფრკეთაგან, რადთა ვპოოთ განსუენებაჲ და შუებაჲ წარუვალი ქებით მადიდებელთა შენთა: *გიხაროდენ, ყოვლადწმიდაო ღმრთისმშობელო კარისაო, ჭეშმარიტო წინამძღუარო ივერიის განბრწყინებისაო!*

სავედრებელი ლოცვა

ჴ, ყოვლადწმიდაო, ღმრთისმშობელო კარისაო, ჭეშმარიტო წინამძღუარო ცხორებისა ჩუენისაო, და მფარველო და მოღუაწეო ქართველთა ერისაო! მოხედვაჲ ჰყავ ზეცით წყალობით და მოიკსენე უფლისა მიერ და ძისა შენისა წილად ხვდომილი ესე შენად ქუეყანაჲ და საზეპუროდ ერი, ვითარმედ აღთქუმულ გაქუს შენ ჟამსა შეჭირვებისასა დაცვაჲ და დაფარვაჲ ჩუენი.

ჴ, ყოვლად კურთხეულო დედაო და ქალწულო, მარიამ ღმრთისმშობელო! დედობრივსა მადლსა და შეწევნასა შენსა მარადის შევრდომილნი გუაკურთხენ და განგვწმიდენ ცისკროვანებითა საკვრველთმოქმედისა ხატისა შენისაჲთა, და თანამბრძოლ გუეყავ ჩუენ მარადის, ვითარცა აღგვთქუ,

წინააღმდეგომად მბრძოლისა, ჩუენ ზედა აღბორგებულისადასაჲ, რამეთუ მტერნი იგი ჭემმარიტებისანი ზაკულითა განზრახვითა შეთქუმულ არიან მართლმორწმუნეთა ზედა და ძალითა და ნიშნებითა სიცრუვისადათა ილუწიან, რადთა ერიცა საუფლოდ განხრწნეს და გამოაჩინეს ერად ბნელისა. გარნა ჩუენ შეძრწუნებულნი ვეძიებთ ღონესა განრინებად ურიცხუთა განსაცდელთაგან და გევედრებით შენ: ქალწულო პორტაიტისაო, მრავალშემძლებელითა ძალითა შენითა დაგვცევ მზაკუვარებათაგან და საცთურთა მზაკუვარისა ეშმაკისადათა, რომელსა ჰნებავს წარწყმედად ჩუენი, რადთა არა მოვილოთ ბეჭედი იგი ანტიქრისტესი და არა თაყუანის-ვსცეთ მას, არამედ მეფე ქრისტეს-მოყუარე ცხებულ იქმნას და გვრგვნოსან საყდარსა ზედა სრულიად საქართველოდასა, რადთა კეთილად განაგებდეს და იურვიდეს ერსა, აღრჩეულსა შენ მიერ, ვითარცა საკუთარსა, და აღამაღლებდეს და აღადგენდეს კლირსებასა და ძლიერებასა ქუეყანისა ჩუენისასა. განაძლიერე დიდი მეუფე ჩვენი, უწმიდესი და უნეტარესი, სრულიად საქართველოს კათოლიკოს-პატრიარქი, მცხეთათბილისის მთავარეპისკოპოსი და ბიჭვინთისა და ცხუმ-აფხაზეთის მიტროპოლიტი, მამად ჩუენი ილია და ყოვლად-სამღდელონი მიტროპოლიტნი, მთავარეპისკოპოსნი და ეპისკოპოსნი, და ყოველნი სამღდელონი და სამონაზნო წესნი. განანათლენ ქრისტესმოყუარე მთავრობად და მკედრობად მისი; ყოველნი ერნი წილხდომილისა ქუეყანისა შენისანი პატიოსნითა მეოხებითა დაიცვენ. ევედრე მესა შენსა და უფალსა ღმერთსა ჩუენსა იესუს, რადთა შეგვძნდოს ეკლესიათა მოოხრებანი, სიწმიდეთა შეგინებანი, ხატთა და ჯუართა დამუსრვანი, ღმრთისმსახურთა მკულელობანი, ღალატი, შური, ცრუ-ბეზლობანი, საშოსა შინა ჩვილთა ჩუენთა კლვანი და სხუანიცა შეცოდებათა ჩუენთა სიმრავლენი.

ჟ, წმიდაო უბიწოო, ქალწულო ღმრთისმშობელო! აღმომიყუანენ ჩუენ სიღრმეთაგან ცოდვათასა, და მივსნენ ჩუენ სიყმილისაგან, სრვისა, ძრვისა, ცეცხლისა, მახვლისა და ზედამოსლვისაგან უცხო

თესლთადასა, და ტომთაგან ბრძოლისა, და უცნაურისა სიკუდილისა, და ზედა დასჯმისაგან მტერთადასა, და განმხრწნელისაგან ქარისა, და ყოვლისაგან სიკუდიდ-შემოსილისა წყლულებისა და ყოვლისაგან ბოროტისა, მოგუეც, დედოფალო, მშვიდობაჲ და სიმრთელჴ მონათა ამათ შენთა _ მართლმადიდებელთა ქრისტეანეთა, და განანათლენ გონებანი ჩუენნი, და თუალნი გულისა ჩუენისანი, რადთა ვსცხონდეთ, და ღირს ვიქმნეთ ცოდვილნი მონანი შენნი სასუფეველსა ძისა შენისა და ქრისტჴს ღმრთისა ჩუენისადასა, რამეთუ მეუფებაჲ მისი კურთხეულ არს და დიდებულ, თანა დაუსაბამოთ მამით მისით და ყოვლად-წმიდით და ცხოველს-მყოფელით სულითურთ, აწ და მარადის და უკუნითი უკუნისამდე, ამინ.

ღირს არს ჭემმარიტად, რადთა გადიდებდეთ, შენ, ღმრთისმშობელო, რომელი მარადის სანატრელ იქმნენ, ყოვლადუბიწოდ და დედად ღმრთისა ჩუენისა, უპატოსნესსა ქერუბიმთასა და აღმატებით უზესთაესსა სერაფიმთასა, განუხრწნელად მშობელსა სიტყვსა ღმრთისადასა, მხოლოსა ღმრთისმშობელსა გალობით გადიდებდეთ.

დიდებაჲ.. აწდა

უფალო, შეგვწყალენ (3-გზის).

უფალო იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისადათა და ყოველთა წმიდათადათა, შეგვწყალენ ჩუენ, ამინ.

ავტორ-შემდგენელი: თინათინ მჭედლიშვილი

